

**Махсудов Б.Ю. – ТДИУ,
тадқиқотчи**

ПАХТА ТОЗАЛАШ КОРХОНАЛАРИДА БЮДЖЕТЛАШТИРИШ ЖАРАЁНИНИ БАҲОЛАШ ВА НАЗОРАТ ҚИЛИШНИ ТАКОМИЛЛАШТИРИШ МАСАЛАЛАРИ

Мақолада пахта тозалаш корхоналарида бюджетлаштириш жараёнини баҳолаш ва назорат қилишнинг назарий ва амалий масалалари ҳамда мазкур соҳага оид хорижий тажриба батафсил баён қилинган. Шунингдек, бюджетлардан четланишлар таҳлили кенг ёритилган.

Калит сўзлар: бюджетлаштириш назорати, четланишлар, четланишлар таҳлили, сотиш бюджети, ишлаб чиқариш бюджети, четланишлар муҳимлиги, муҳимлик даражаси, нормативлардан четланишлар, таҳлил цикли, контроллинг, четланишлар диапазони.

В статье освещается теоритические - практические вопросы и зарубежный опыт оценки и контроля процесса бюджетирования. Роль анализа отклонение в оценке и контроля процесса бюджетирования.

Ключевые слова: контроль бюджетирования, отклонения, анализ отклонений, бюджет продажи, бюджет производства, важность отклонений, уровень важности, отклонения от нормативов, цикл анализа, контроллинг, диапазон отклонений.

The articlehighlights the theoretical – practical issues and foreign experience of evaluation and monitoring of the budgeting process. And also, the role of the analysis of variance in the evaluation and monitoring process budgeting.

Keywords: budgeting control, deviation, variance analysis, sales budget, production budget, the importance of deviations, severity level, deviations from standards, cycle analysis, controlling, range of deviations.

Мамлакатимизда Ўзбекистон Республикасининг сайланган Президенти таъкидлаганидек, “.....пахта хом ашёсини чукур қайта ишлаш бўйича аниқ режалар белгиланмоқда”[1]. Чунки бугунги кунда Ўзбекистон жаҳон бозорида талаб катта бўлган маҳсулот - пахта толасининг асосий ишлаб чиқарувчиси ва етказиб берувчиси ҳисобланади. Республика пахта толаси ишлаб чиқариш бўйича жаҳонда олтинчи ва уни экспорт қилиш бўйича бешинчи ўринни эгаллаб туриди.

Пахта хом ашёсини қабул қилиш ва қайта ишлаш, пахта толасини жаҳон бозори талабларидан келиб чиқсан ҳолда экспорт қилиш бўйича ягона комплексни яратиш, пахта ва ёғ-мой маҳсулотларининг сифатини ҳамда рақобатдошлигини ошириш, шунингдек, республиканинг пахта тозалаш ва ёғ-мой корхоналарини модернизация қилиш, техник ва технологик қайта жиҳозлаш учун инвестицияларни, жумладан, хорижий инвестицияларни кенг жалб қилиш мақсадида пахта толасини қабул қилиш, қайта ишлаш ва экспорт қилиш бўйича “Ўзпахтасаноатэкспорт” холдинг компаниясини ташкил этишга

оид 2015 йил 28 октябрда Ўзбекистон Республикаси Президентининг ПҚ-2422-сонли “Ўзпахтасаноатэкспорт” холдинг компаниясини ташкил этиш тўғрисида»ги Фармони қабул қилинди. Ушбу фармонга кўра холдинг компанияси “Ўзпахтасаноат” АЖ, “Ўзпахтаэкспорт” АЖ, “Ўзпахтаёғ” АЖ ва “Пахтасаноат илмий маркази” АЖлари асосида ташкил қилинди. Холдинг зиммасига пахта толасини қабул қилиш, қайта ишлаш ва экспорт қилиш борасидаги фаолиятни самарали ташкил этиш вазифаси юклатилди. Ушбу вазифаларни ҳал этиш эса тармоқ корхоналарида бухгалтерия ҳисобини такомиллаштиришни тақозо этмоқда.

Мазкур жараёнда холдингга қарашли пахта тозалаш корхоналарида бухгалтерия ҳисоби, шу жумладан, бошқарув ҳисоби тизими тармоқнинг ўзига хос технологик ташкилий хусусиятларга боғлиқ эканлиги ва бошқарув ҳисобининг умумий методологик масалалари ҳам мавжудлиги, улар жумласига бюджетлаштиришни жорий этиш ҳам кишини эътибордан четда қолдирмаслик керак.

Ҳозирги кунда бюджетлаштиришнинг аҳамияти кун сайин ортиб бораётганлиги сабабли иқтисодий адабиётларда унга бағишлиган турли қарашлар пайдо бўлмоқда. Иқтисодий адабиётлар таҳлили уларда бюджетлаштириш атамаси турлича талқин қилинаётганлигини кўрсатмоқда. Ҳар бир муаллиф бюджетлаштириш атамасининг таърифига маълум бир улуш қўшиб, мазмунига аниқлик киритмоқда ёки тўлдирмоқда. Барча фикрларнинг туташган нуқтаси эса бюджетлаштириш жараёнида корхона фаолиятини режалаштириш, назорат ва таҳлил жараёни билан узвий боғлиқ бўлмоқда.

Юқоридагилардан келиб чиқиб, бюджетлаштиришга оид қуйидаги муаллифлик таърифини бериш мақсадга мувофиқ деб топилди: “Бюджетлаштириш режалаштириш, ҳисобга олиш, назорат ва таҳлил қилиш жараёнларини бир тизимга бирлаштирувчи ахборот тизими бўлиб, бошқарувнинг энг мураккаб, муҳим функцияларидан бири ҳисобланади ва истиқболда кўзланган мақсадларни тизимли белгилаш ҳамда уларга эришиш учун керакли тадбирларни ишлаб чиқиши билдиради”.

Шуни таъкидлаш жоизки, амалда бюджетлаштириш корхонани кўзлаган мақсадларига эришишида кўрсатган самарали ёрдами ва ҳақиқий ахборотларни режа кўрсаткичлари ҳамда стратегик режада белгиланган мақсадлар билан мувофиқлаштириш имкониятига қараб маълум бир аҳамиятга эга бўлади.

Ушбу вазифаларни ҳал қилиш учун эса корхоналар бюджет ижросини баҳолаш ва мониторингини самарали тизимида эга бўлиши лозим.

Бюджетлаштиришни жорий этишдан кўзланган мақсадга эришиш учун бюджет топшириқлари бажарилиши даражаси, ҳақиқий кўрсаткичларни режа кўрсаткичларидан четланишларини сабаблари ва айборлари бўйича самарали баҳолаш ҳамда мазкур таҳлил натижаларига кўра тегишли чора-тадбирларни ишлаб чиқиш катта аҳамият касб этади. Иқтисодий адабиётлар таҳлили бюджетлаштириш жараёнидаги энг асосий вазифа: “Корхоналарда тузиладиган бюджетлар нафақат “нима ва қандай қилиш керак?” - деган саволга, балки

“нимага эришилмади ва нима учун?” - деган саволларга ҳам жавоб бериши”[6] кераклигини кўрсатмоқда.

Бюджет ижросининг мониторинг тизими аслида бюджетлаштиришни давоми ҳисобланади ва бюджет бажарилиши жараёни билан бирга амалга оширилади. Унинг асосий моҳияти бюджетлар бажарилишининг кафолатлашни йўлга қўйиш ва умуман олганда бошқарув жараёни самарадорлигини оширишдан иборатdir.

Бу масала иқтисодий адабиётларда кенг ёритилган. Масалан, россиялик иқтисодчи олим К.В.Щиборщ бюджет ижроси контроллингини қўйидагича баён этган: “Бюджет ижросининг ички назорат тизими (ёки контроллинги) – компания томонидан бюджет даврида маблағ, харажат ва мажбуриятларини самарали бошқаришни баҳолаш ва таҳлил қилиш (жорий фаолиятни доимий мониторинг қилиш, маҳсулот ҳажми ва харажатларни бюджет стандартлари билан таққослаш ва ортиқча харажатларга йўл қўймаслик) учун мўлжалланган расмий ёки норасмий мантиқий тузилмадир”[7].

Бюджет ижросининг мониторинги шунчаки “юқоридан” назорат қилишдан кенроқ жараён бўлиб, унга қўшимча равища бўлимларга ўз фаолиятини самарали олиб боришига имконият яратадиган режа-аналитик масалалар ҳам киради. Бюджет ижросини назорат қилиш тизими умуман олганда бюджетлаштиришдан кўзланган самарага эришиш учун бюджетта қўшилган ўзига хос “қўшимча” бўлиб ҳисобланиши лозим.

Бюджет кўрсаткичлари бажарилишини аниқлаш учун бюджет назоратининг тегишли босқичлари ва воситалари амалга оширилади (1-расм).

Бюджет ижроси самарали назорат қилиниши учун дастлаб корхона бўлинмалари ва фаолият турлари бўйича йиғма ҳисбот тузилади. Сўнгра ҳисбот материаллари асосида бюджетларнинг солиштирма таҳлили ўтказилади ва тегишли хulosса ҳамда тавсиялар ишлаб чиқилади. Энг охирида чора - тадбирлар режаси тайёрланади.



1-расм. Бюджет назоратининг амалга ошириш босқичлари ва воситалари (муаллиф ишланмаси)

Бюджет ижроси баҳоланиши бюджетда режалаштирилган кўрсаткичларни ҳақиқатда эришилган натижалардан четланишлари таҳлилига асосланади. Четланишларнинг ҳисоб-китобида ҳақиқатда эришилган кўрсаткичлар режа кўрсаткичлари билан таққосланади.

Четланишлар таҳлили узоқ тарихга эга ва четланишлар ҳисоб-китобининг оддий кўриниши қадимдан ишлатилиб келинган. Четланишларнинг ҳисоб-китобларини замонавий тамойилларига эса ўз замонасининг етук олимлари Г. Эмерсон ва Ч. Гаррисонлар томонидан асос солинган.

Четланишлар ва уларнинг таҳлили иқтисодий адабиётларда кенг ёритилган. Мисол учун хорижлик иқтисодчи олимлар Р.Гаррисон, Э.Норин, П.Брюэрларбу ҳақда тўхталиб, “Меъёрий ва ҳақиқий баҳолар ўртасидаги ҳамда сарфланган маблағларни меъёрий миқдори билан ҳақиқий миқдори ўртасидаги фарқлар четга чиқишлар дейилади. Четга чиқишларни изоҳлаш ва уларни ҳисоб-китоб қилиш эса четга чиқишларининг таҳлили деб аталади”, деб ёзган [3,413б.].


Профессор Б.Ю.Воронова “Нормативдан четланишларни таҳлил қилишнинг мазмуни уни миқдори ва четланишларнинг сабабларини аниқлаш мақсадида бўлакларга бўлишдан иборатдир”, деб таъкидлаган [2,412 б.].

Иқтисодчи олимлар А.Х.Пардаев ва Б.Х.Пардаев “Бюджетнинг бажарилишини баҳолаш амалда эришилган натижаларнинг режалаштирилган бюджетдан четланиши таҳлилига асосланади” деб ёзган[5, 116 б.].

Юқоридаги фикрларни таҳлил қилиб, нормативдан четланишларни таҳлил қилиш - менежерлар томонидан ҳақиқий ва мақсадли кўрсаткичлар ўртасидаги фарқларнинг манбасини тушуниб этиш учун қўлланиладиган тадбирлар мажмуудир, деган холосага келиш мумкин.

Бюджетлаштиришни самарали жорий этиш учун четланишлар бўйича бошқариш тизимини яратиш керак. Иқтисодий адабиётларни таҳлил қилиш ва амалиётни ўрганиш тадқиқотчи Ю.А. Щегловская таъкидлаганидек, ““Четланишлар бўйича бошқариш” тизимини жорий этганда четланишларнинг учта даражали диапазони, яъни энг паст даражали четланиш (2-4 %), меъёр даражасидаги четланиш (5-7 %), жиддий четланишлар (8 % дан юқори)ни ишлаб чиқиш мақсадга мувофиқлигини кўрсатмоқда. Бундан ташқари, юз бериши мумкин бўлган рискларга ўз вақтида эътибор қаратиш имконини берадиган лимит ва индикаторлар тизими ҳам ишлаб чиқилиши лозим”[8]. Мазкур четланишлар диапазони ва мезонларини пахта тозалаш корхоналари фаолиятини бюджетлаштиришда қўллаш ижобий самара беради, деб ҳисоблаймиз.

Шуни ҳам ёдан чиқармаслик керакки, нормативдан четланишлар таҳлили узлуксиз ва доимий ўtkазилгандагина керакли самара беради. Шу туфайли ҳам мазкур масла иқтисодий адабиётларда кенг ёритилган. Масалан, хорижлик олимлар Р. Гаррисон, Э. Норин, П. Брюэр ўз тадқиқотида четланишлар таҳлилига кенг тўхталган ва нормативдан четланишларни таҳлил қилиш циклини яратган(2 – расм).



2 - расм. Нормативдан четланишларни таҳлил қилиш цикли

(Манба. Гаррисон Р., Норин Э., Брюэр П. Управленческий учет. 12-е изд. / Пер. С англ. Под ред. М.А.Карлика. – СПб.: Питер, 2012. с. 407.)

Ушбу олимлар мазкур циклнинг асосий мақсадига тұхталиб, “....нормативдан четланишларни таҳлил қилиш циклини амалға оширишдан күзланған асосий мақсад айбдорларни аниклаш ва жазолаш эмас, балки фаолиятини янада такомиллаштиришдан иборатдир”[3], - деб ёзған.

Нормативдан четланишларни бундай тарзда батағсил күриб чиқилиши четланишлар сабаблари ва юзага келишига сабабчи ходимларни аниклаш ҳамда тегишли үзгартырышлар қилишга оид самарали бошқарув қарорларини қабул қилишга имконият яратади.

Энг мұхими нормативдан четланишларни таҳлил қилиш иқтисодий жиһатдан тежамкорлық, тезкорлық ва манзиллилік каби тамойилларга асосланиши лозим. Шу билан бирга ушбу таҳлилдан фойдаланилганда у “жараён бўлиб ўтгандан кейинги” таҳлил ва ўта консерватив иқтисодий институт эканлиги ҳамда энг асосийси меъёрдан ортиқчаси салбий оқибатларга олиб келиши мумкінligini ҳам унутмаслик лозим.

Амалиётни ўрганиш шуни күрсатмоқдаки, бюджет мониторинги тезкор ва реал вактда амалға оширилсагина күзланған мақсадга эришилади. Бу ўз навбатида, бюджет бўйича четланишларни вактида бартараф этиш имконини беради.

Пахта тозалаш корхоналарида пахта тұдасини қайта ишлаш якунланғач, директор раҳбарлигыда 2 кун ичида қайта ишлаш натижаларини барча масъул ходимлар иштирокидаги ишлаб чиқариш кенгашыда мұхокама қилинади. Ушбу назорат тизимида бизнингча, меъёрий база ва бюджет моддаларида юз берадиган четланиш ҳамда үзгаришлар регистрини узлуксиз юритиб бориш мұхим роль үйнаши лозим.

Шуни ёдда тутиш керакки, бюджет четланишлари таҳлили четланишларнинг мұхимлиги ва якуний натижаларга таъсири даражасини баҳолашни назарда тутади. Минг афсуски, амалиёт ва иқтисодий адабиётларни ўрганиш корхоналарда бюджет жараёни натижаларининг самарали ва мантиқий иқтисодий диагностика тизими қўлланилмаётганлигини күрсатмоқда. Ушбу масалага И. Мизиковский тұхталиб, “Хорижий манбаларни ўрганиш бюджет жараёни бажарилишини иқтисодий диагностикасини жорий этишнинг энг самарали варианти четланишларни чегарасини белгилаш, - деган холосага олиб

келмоқда. Мазкур тизим кенг кўламда қўллаш мумкин бўлган универсал тизим бўлиб, унда четланишлар чегараси ва ҳар бир чегарага эътибор қаратиш (назорат ва таҳлилий тадбирлар) алгоритми белгиланади”[4], - деб ёзган.

Юқоридаги фикрларга кўшилган ҳолда проф. И.Мизиковскийнинг таърифида масалага бир томонлама қаралганлиги, яъни четланишлар ҳисоби ва таҳлилигина тадқиқ этилганлигига эътибор қаратмоқчимиз. Бизнингча, масаланинг яна бир муҳим жиҳати, яъни бозор конъюнктурасининг таъсири ва шерикларнинг алмашуви натижасида ҳисбот даврида бюджетдаги меъёрлар, режалар, сотиш каналларини ўзгариши эҳтимоли эътибордан четда қолмоқда. Шу сабабли проф. И.Мизиковский тавсия этган бюджет четланишларининг муҳимлик даражаси мезонларини бюджетдаги ўзгаришлар кўрсаткичларига ҳам татбиқ этиш керак (1 - жадвал).

1 - жадвал

Бюджет четланишлари муҳимлиги даражаси мезонлари жадвали

T/p	Четланишларни йўл қўйиш мумкин бўлган даражаси	Четланиш даражаси
1.	Четланишларни тўлиқ йўл қўйиш мумкин бўлган даражаси	1
2.	Четланишларни энг кам миқдорда йўл қўйиш мумкин бўлган даражаси	2
3.	Четланишларни ўртача миқдорда йўл қўйиш мумкин бўлган даражаси	3
4.	Четланишларни юқори миқдорда йўл қўйиш мумкин бўлган даражаси	4
5.	Четланишларни йўл қўйиш мумкин бўлмаган даражаси	5

Муҳимлик даражаси белгилангач, проф. И. Мизиковский тавсия этган четланишлар бўйича бошқарув тадбирларининг асосий мезонларини татбиқ этиш лозим (2 - жадвал).

Шуни ҳам эътироф этиш лозимки, четланишларнинг сабабларини туркумлаш муҳим аҳамиятга эга. Чунки, туркумлаш уларни гурухлаш ва қарорлар қабул қилишнинг ахборот базаси сифатида ишлатиш имкониятини беради.

Тадқиқотлар шуни кўрсатмоқдаки, ҳозирги вактда пахта тозалаш корхоналари амалиётида классификаторлар ва четланишларни юзага келиш сабабларини қайд этувчи регистрлар юритилмаяпти.

Бизнингча, четланишлар сабабларини нафақат миқдори ва қиймати бўйича, балки юзага келиш эҳтимоли мезонлари, муҳимлиги, объектив ёки субъективлиги даражаси бўйича ҳам гурухларга ажратиш лозим.

Шуни таъкидлаш керакки, турли хўжалик юритувчи субъектлардаги барча бюджет четланишларининг ўзига хос хусусиятларини акс эттирадиган ягона классификаторни ишлаб чиқишининг имконияти йўқ.

Мухимлик даражаси ва четланишлар бўйича бошқарув тадбирларининг асосий мезонлари

Кўрсаткичлар	Тадбирларнинг номи
Четланишларни тўлиқ йўл қўйиш мумкин бўлган даражаси	Бундай ҳолат одатда анъанавий ҳол хисобланади
Четланишларни энг кам миқдорда йўл қўйиш мумкин бўлган даражаси	Четланишларни ретроспектив таҳлилини ўтказиш ва уларни содир бўлишини тақорланишини баҳолаш. Тақорланиш кўрсаткичи юқори бўлганда уларга тегишли тузатишлар киритиш бўйича керакли қарорлар қабул қилиш
Четланишларни ўртача миқдорда йўл қўйиш мумкин бўлган даражаси	Четланишларни юзага келиш сабабларини аниқлаш, уларни бартараф этиш бўйича тегишли тадбирларни ишлаб чиқиш, жумладан харажатларнинг нафлиги, уларни меъёрий базаси, даромад қисмини тўлдириш тартиби, бюджет версткаси технологияси, унинг бажарилиши мониторингини ўтказиш тартиби аудитини ўтказиш
Четланишларни юқори миқдорда йўл қўйиш мумкин бўлган даражаси	Четланишларни юзага келиш сабабларини тезкор аниқлаш, уларни бартараф этиш бўйича тегишли тезкор тадбирларни ишлаб чиқиш, меъёрий-маълумот берувчининг маълумотлари тўлиқлиги ва аниқлигини тезкор текшириш, бюджет версткаси сифати ва унинг бажарилиши мониторингини аудит қилиш ва ҳ.к.
Четланишларни йўл қўйиш мумкин бўлмаган даражаси	Четланишларни юзага келиш сабабларини тезкор аниқлаш, бюджетни тўлдириш манбалари ва уларни сарфланиш йўналишларини инвентаризация қилиш, бошқариш сифати ва инқирозга қарши характердаги чораларни аудит қилиш

Манба: И. Е. Мизиковский. Генезис управлеченческого учета: теоретико – методологический аспект. Автореф. дисс. на соис. учен. степ. докт. экон. наук. Нижний Новгород. 2006.

Юқоридагилардан шундай хулоса қилиш мумкинки, бюджетлаштиришни жорий этишдан кўзланган мақсадга эришиш учун бюджет топшириклари бажарилиши даражаси, ҳақиқий кўрсаткичларни режа кўрсаткичларидан четланишларини сабаблари ва айборлари бўйича самарали баҳолаш ҳамда мазкур таҳлил натижаларига кўра тегишли чора-тадбирларни ишлаб чиқишининг самарали тизимиға эга бўлиш лозим.

АДАБИЁТЛАР РЎЙХАТИ

1. “Қонун устуворлиги ва инсон манфаатларини таъминлаш – юрт тараққиёти ва халқ фаровонлигининг гарови”. Ўзбекистон Республикасининг сайланган Президенти Шавкат Мирзиёевнинг Ўзбекистон Республикаси Конституцияси қабул қилинганинг 24 йиллигига бағишиланган тантанали маросимдаги маърузаси. Халқ сўзи. 2016 йил 8 декабрь. № 243 (6678).
2. Воронова Е. Ю. Управленческий учет. Учебник. Изд. Юрайт. 2011.
3. Гаррисон Р., Норин Э., Брюэр П. Управленческий учет. Учебник. 12-е изд. / Пер. с англ. Под ред. М.А.Карлика. – СПб.: Питер, 2012.
4. МизиковскийИ. Е. Генезис управлеченческого учета: теоретико – методологический аспект. Дисс. на соиск. учен. степ. докт. экон. наук. Нижний Новгород. 2006.
5. Пардаев А.Х., Пардаев Б.Х. Бошқарув ҳисоби. Рисола. – Т. F. Ғулом нашриёти. 2008.
6. Чая В.Т., Чупахина Н.И. Управленческий учет. Учебное пособие. –М. : Эксмо, 2009.
7. Щиборщ К.В. Бюджетирование деятельности промышленных предприятий России. - М.: Издательство «Дело и Сервис», 2005.
8. Щегловская Ю.А. Бюджетирование как инструмент эффективного финансового планирования. -М.: Аудит и финансовый анализ, 1/2010.